



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1562 usque ad annum 1563

**Fleury, Claude**

**August. Vind. [u.a.], 1771**

**VD18 9011860X**

§. 47. Sessionis prorogatio a Franciæ Legatis petita.

---

[urn:nbn:de:hbz:466:1-66641](https://nbn-resolving.org/urn:nbn:de:hbz:466:1-66641)

Sæcul. XVI.  
A.C. 1562.

Franciæ Præfulum adventus non parum sollicitum tenebat Pontificem: quinimo ipse etiam Simonetta (\*) Legatus datus ad Borromæum Cardinalem literis significabat, necessarium fore, ut ante Gallorum adventum Synodus aut dissolveretur, aut saltem ad illum transferretur locum, ubi Pontifex ipse adesse, suæque præsentia illos, qui dissolutionem concitare molirentur, reprimere valeret.

§. XLVII.

*Sessiois prorogatio a Franciæ Legatis petita.*

*Sarp. l. 6.*  
*p. 536.*

*Lett. de Lan-*  
*fac. a l'Isle*  
*10. Aou.*  
*dans les*  
*mem. de*  
*Trente p. 268*  
*et 269.*

Cum hæc interea gererentur, rursus Franciæ Oratores importunis precibus a Legatis petebant, ut Sessio usque ad hujus Regni Episcoporum adventum differretur: Jam enim hi Oratores die decima Augusti libellum porrigebant, exponentes, quod Rex eorum Princeps Conciliorum, quæ universam Ecclesiam repræsentant, decreta revere-

(\*) Pallavicinus ait: *Seripandus*, idque veritati historiæ magis consonum est, cum hæc a Seripando ad Borromæum scripta, ceteri quoque testentur Auctores, existentque ejusdem literæ 6. Septembris anno 1562. ad Borromæum datæ.

ri, ac recipere paratus esset, & vehementer optaret, ut etiam præsentis Synodi definitiones ab Ecclesiæ Romanæ hostibus prompto animo acceptarentur, id vero facillime obtinere speraret, si Sessio differretur, usque dum Franciæ Episcopi, quorum memoria in priscis Conciliis magni habebatur, Tridentum venissent, suamque operam Hispanis, atque Italis Præsulibus jam magno numero congregatis jungere possent: præcipue cum illorum absentiae rationes, quas Legati tanquam legitimas agnovere, brevi cessare viderentur, ac insuper Protestantes, ob quos Synodus est convocata, indies sese interfuturos pollicerentur, proin minorem querendi ansam haberent, perinde ac si in re tanti momenti nimis præcipiti consilio actum fuisset: non ergo suspicandum, quod Regis petitio ad Synodum dissipandam, aut in otio relinquendam tendat, cum interea, donec Galli advenirent, aut de reformatione agi, aut circa Calicis usum sanctio fieri posset. (\*)

## §. XLVIII.

(\*) Ergone haud amplius ad Reformationis negotium, & Calicis decisionem adeo necessaria erat Gallorum Præsulum præsentia, ut paulo antea jactabatur? vide §. XLIV. Ast forte hi universali Ecclesiæ juxta normam  
Aure-

Sæcul XVI.  
A.C. 1562.